

ALKANDORA

EZ zirari oraindik sortu aidian ibiltzeko pisti berri oyek; bañan alaz guztiz, sagardo ona nonbait asten zanian, urruti samar iza-nagatik, nola edo ala alderatzen giñan.

Ala arkitu nitzan bein, eta arkitu ziran nerekin batian, Pello-Erro-ta eta Iškiña, Billabona-ko erriyan, sagardo gain gañeko baten upel onduan.

Etzan arritzekua alako tokiyan alako jendiakin arkitzia. Noiz nai ere, elizan baño sagardotegiyan geyago ikusten ziran.

Iškiña oitu bezela zegon panparroi; Donostiyan, erde-razko itzakin euskeraz esan oi dana : «*vieinticinco* baño dotoriago».

An zebillen bat chuliatu, bestia zirikatu, jende guztien bizkar far eragin azitzen.

Ontan ikusten du Pello, eta bere aldamenian nola baldar samar iruditu zitzayon; zezen-iltzaliak zezenen aurrian jartzen diran bezela, zuzen eta arro jarririk, ara zer esan ziyon ez bat eta ez bi:

Gauza onik ez dago
beñere zurekin
Pello ikusten zaitut
orain astuakin.
Adieraziko dizut
orrenbezterekin
baldan baldana zaude
alkandora orrekin.



*
* *

Laster erantzun ziyon Pello-k Iškiña-ren aterakai orri. Ez zuben liburu zarrak biribiltzen lanik izan. Iškiñak, azkeneko itza esan ordu-rako, abua ichi baño len; onla erantzun ziyon Pello-k:

Aitzakiya eman dit
 alkandora-reña
 badakit ez detela
 emen dan onena;
 zarra izanagatik
 nik au neronena,
 ederra ageri zayo.
 bañan..... besterena.

*
 * *

Aitzgorri-n aituko ziran orduban egintako algarak. Makiña bat far gozo egin zan, baita makiña bar baso sagardo ustu ere.

Iskiñak, ez isilik egotiatik, erazo ziyon berriro itz abekin:

Ikusten zaitubenak
 zer esan biar du
 onla izatia zuk
 mereziya dezu;
 ni beziñ *kurisoy*
 agertutzeko zu,
 alkandora zuriya
 ibilli biazu.

*
 * *

Zuriya edo beltza, lisibetan sartu gabe, aguro astindu zuben Pello-k Panparroi bazegon ere, aterazizkan chuliatzeko goguak. Ez alda errota-riya, lenbizikuan eta bigarrenian ere, mututu ta gelditzen danetakua.

Begira zer erantzun zuben :

Beti aitzakiya du
 orrek mingañian
 ara erantzupena
 berriz ordañian:
 zeorri-re ez zabiltza
 guztiyen gañian.
 ¡Beste-ren alkandora
 daukazu soñian!

*
 * *

Gero zer gertatuko zan ez naiz gogoratzen; badakit beti bezelako umore ederrian egon giñala, sagardua orain baño merkiago eta obiago zala, bañan..... alkandora ¿bezogterena ote zuben?

Edo ¿alkandora bakarra ote zuben bezterena?

JOSE ZAPIRAIN